

中國方志叢書·東北地方·第三十號


據

民國十年克鉛纂印
郭興纂本

影印

黑龍江省

黑龍江鄉土錄



成文出版社有限公司印行



10094076

中華民國六十三年 月壹一版

黑龍江鄉土錄

全 冊

發行人：**黃 成 助**

出版者：**成文出版社有限公司**
台北市郵政信箱二二六〇五號

台北市羅斯福路三段240巷5號
電話：三四〇一三二號

印刷者：**成文出版社有限公司**

內政部登記證內版台業字第一一四七號

黑龍江鄉土錄

王宗元題

叙例

一黑龍江省遠同荒服舊闕志乘文獻無徵疆域氏族至艱考據輒近著述復多率爾操弧採摭不廣魚魯豕亥以訛傳訛是編根據歷代正史官書名著考訂黑水方輿沿革氏族源流甄錄前編悉收他人之作克與所撰間亦闕入題曰黑龍江鄉土錄又名黑水方輿氏族沿革志意在窮源究委辨正近著藉免譌傳接訪未周挂漏正多抄襲成文敢侈著作亦聊備來者得以考鏡而已至山川經制物產風俗諸目或詳政略或有專書茲不復及

一黑龍江本極邊戍地清初所屬六城有分兵無分土而布特哈則專轄牲丁牲丁所至之地皆布特哈總管應巡查之地故布特哈舊日轄境最廣與各城本無一定之界自光緒間改總管爲副都統其舊轄之鄂倫春分隸黑龍江墨爾根呼倫貝爾三城于是六城分地始稍有界限然打牲部落本依山林逐禽獸爲生計與蒙古逐水草畜牧相類歷時既久禽獸水草既不能無稍移徙不比內地農民以田產爲土著是編疆域以道爲綱昔年六城沿革各依地望其人不能無稍出入閱者諒之

一各地命名類多沿襲滿洲舊名但以音訛音轉之異動失其據復以文義附會推求其雅不知滿語俱有所謂又地名源于歷史有時地望每相差越蓋昔年遼金部縣大類皆南北朝時之僑置滅國以後輒移其民而郡縣之名亦隨之遷徙近代地名何獨不然例如黑龍江左岸有莽蘇屯訥河呼倫境內亦均有莽蘇屯蓋隨達呼爾人遷徙故也是編于考訂確鑿者悉述其大凡或亦

郭氏家乘之一

讀史者之一助

一黑龍江省志乘于左舉各事幾有同一之誤雖名賢著述亦所不免考證黑水方輿氏族者不可不格外注意

甲清初官書所載黑龍江字樣係專指黑龍江沿岸地方即舊黑龍江城今黑河道轄境而言非名全省也

乙官書名著于黑水部族向乏精確考證故于黑水土著之索倫人達呼爾人等統稱之爲索倫人惟黃維翰黑水先民傳一書于索倫達呼爾等土著分晰最爲明瞭

丙滿洲向有新舊之分舊滿洲係指清初編入滿洲旗籍者如建州五部長白三部東海二部扈倫四部等而言新滿洲係指後編入滿洲旗籍之索倫達呼爾等土著而言西清黑龍江外紀言之獨詳

丁近代著述于黑龍江土著之列旗籍者無論是否蒙古人統稱之爲蒙旗
戊黑龍江志乘以黃維翰黑水先民傳呼蘭府志屠寄黑龍江輿圖說西清黑龍江外紀爲最精確考訂邊塞輿地沿革者以何秋濤朔方備乘丁謙蓬萊軒輿地叢書爲最精確餘則不足睹也

一是編引用書目如左
清欽定二十四史

元秘史

宋葉隆禮契丹國志

同治光緒東華續錄

平定羅刹方略

平定擒匪方略

平定朔漠方略

滿洲源流考

滿漢名臣傳

王圻續文獻通考

元陶成儀輟耕錄

清魏源聖武記

顧祖禹讀史方輿紀要

洪皓松漠紀聞

清方式濟龍沙紀略

清何秋濤朔方備乘

清李桓耆獻類徵

清昭槱嘯亭雜錄

清十朝東華錄

清開國方略

平定粵匪方略

平定回匪方略

遼金元史國語解

八旗滿洲氏族通譜

馬端臨文獻通考

邵經邦宏簡錄

清祁韻士藩部要略

楊賓柳邊紀略

天下郡國利病書

清繆荃孫續碑傳集

清西清黑龍江外紀

清徐宗亮黑龍江述略

清李有棠遼金史紀事本末

清皇朝證法考

郭氏家乘之一

清李元度國朝先正事略

清王定安湘軍記

項城袁氏家集

曾文正全集

關漢遼史拾遺

禮通志

八旗通志

陝西通志

江蘇通志

金梁黑龍江通志綱要

黃維翰黑水先民傳

魏聲蘇吉林地志舊聞錄

東三省輿圖總說

繆學賢黑龍江

白眉初滿洲三省地誌

林傳甲黑龍江鄉土志

清朱孔彰中興名臣事略

清王闓運湘軍志

胡文忠全集

皇朝掌故叢編

幾輔通志

續通典

盛京通志

安徽通志

呼蘭府志

呼倫貝爾志略

清薩英額吉林外紀

屠寄黑龍江輿圖說

丁謙蓬萊軒輿地學叢書

徐曠東三省紀略

西比利亞地誌

林傳甲黑龍江舊聞錄

林傳甲黑龍江進化錄

林傳甲龍江詩選詩集

林傳甲龍江史論

林傳甲黑龍江教育日記

東北邊防輯要

金梁瓜圃叢刊叙錄

蒙古博明西齋偶得

國朝名臣言行錄

李澄宇未晚樓文存

蕭一山清代通史

稻葉山清朝全史

東方雜誌

地學雜誌

四存月刊

一 是編鑒定者崇仁黃申甫君維翰滿洲金息候君梁從事參訂者葉赫關璞田君承琳訥河倭勒
 小泉君斌瑛同族季生君權道甫君濬黃校對者安圖金濟五君廣堯金季直君松生暨內人鈕
 崇德寫者安圖金濟五君廣堯金暉如君廣熙金綬卿君綬青淮安金季華君士榮光童佩寶
 君華辛程子樸君建民李壽民君栢瑞唐雲舫君永海杜鳳山君鳴岐袁仲湘君啟英德懋功君
 德仲和君耆灤縣衛又唐君繩武暨長男大經附識于此

訥河郭克興

郭氏家乘之一

黑龍江鄉土錄總目

第一篇	方輿志	一
第一章	釋名	一
第二章	沿革總論	二
第三章	龍江道	五
第四章	綏蘭道	十一
第五章	黑河道	十六
第六章	呼倫道（海滿道）	二十六
第一篇	部族志	三十四
第一章	總論	三十四
第二章	達呼爾	四十二
第三章	索倫	五十六
第四章	鄂倫春附瑪涅克爾滿珠	六十六
第五章	錫伯	六十八

郭氏家乘之一一

第六章 卦勒察

第七章 巴爾虎

第八章 畢拉爾 一名布萊雅

第九章 額魯特

第十章 他賁

第十一章 兀良哈

第十二章 札薩克圖

第十三章 滿洲

第十四章 蒙古

第十五章 漢軍

第十六章 回民

第十七章 通古斯 呼爾喀 費牙喀

第十八章 滿族考略

第十九章 姓氏考略 附金姓表

六十八

六十九

七十二

七十二

七十四

七十四

七十五

七十五

七十五

七十六

七十七

七十七

七十八

八十三

黑龍江鄉土錄

黑水郭氏家乘之一

訥河郭克興起衰輯

第一篇 方輿志

第一章 釋名

朔方備乘良維諸水考

何秋濤

朔方備乘良維諸水考曰黑龍江古黑水也秋濤謹案黑龍江滿洲語曰薩哈連烏喇薩哈連謂黑烏喇謂江也即古漠北之黑水赫韜室韋所居山海經西望幽都之山浴水出焉郭璞注浴即黑水蓋黑水之名始見於此北史謂之完水魏書謂之貌水唐書謂之室建河黑龍外紀曰遼史始有黑龍江之稱道宗本紀太康三年夏四月泛舟黑龍江前此未之見然觀地理志太祖陵有黑龍門祖州有黑龍殿陵殿並在上京並名黑龍又似遼初即名黑龍江陵殿因以為號者近人以金史有混同一名黑龍之語遂謂黑龍江名至金始著失之遠矣

黑龍江亦稱烏江聖祖泛松花江詩源分長白波流迅支合烏江水勢雄又稱烏龍江聖祖御製詩福陵神功聖德碑北暨嫩江烏龍江罔不臣服吳兆騫長白山賦出乎松花之誼注乎烏龍之外蓋本諸此

至盛京通志曰濱瀛海以帶龍江又曰龍江合流而左注則直可稱龍江矣又曰黑龍江水黑土人亦稱黑河松漠紀聞諸書謂黑水掬之微黑是已然詩據其上游或下流言不知既受精奇里江以後未嘗混同江以前其間水色黑黃各半分界劃然鱗蟲出沒恒就黑去黃所以然者精奇里江水

訂龍沙紀略叙

何秋濤

考漢書班超傳贊曰坦步蔥雪咫尺龍沙章懷太子注曰謂蔥嶺雪山龍堆沙漠也說者謂龍堆在西不在東沙漠迤繞西北亦不在東自劉孝標有賦得龍沙宵月明詩李白有將軍分虎竹戰士臥龍沙之句始誤以龍沙為一地且沿為塞外之通稱方式濟記東北之事而以龍沙為書名亦沿習舊文之過也嗣是英和有龍沙物產之詠奎照有龍沙紀事之詩皆指黑龍江省全境而言則又

黑水先民傳叙

崇仁黃維翰

山海經幽都之山黑水出焉山處北徼其主名代有變遷以水之自出考之當為今肯忒山其水有二源東北流千里而合東過額湏古湮又東至於察哈爾南過精奇尼又南受粟末之水東至於完達東迤北入於北海唐暨五季仍舊稱遼史兼稱黑龍江清初作薩哈連烏拉後置黑龍省薩哈連譯言黑烏拉譯言江非二名也

按辭源黑水注云黑水有三

甲 書經云華陽黑水惟梁州又云導黑水至於三危入於南海按即今怒江其上游曰哈喇烏蘇河哈喇黑也烏蘇水也

乙 在蒙古鄂爾多斯右翼中旗西南蒙古名庫葛爾黑河西入無定河東晉時夏王勃勃築都城於朔方黑水之南

丙 即今黑龍江上游曰鄂諾河即元之斡難河源出外蒙古車臣汗之肯特山東北流入俄領西伯利亞之薩拜喀爾省又東會額爾古納河自此以東曰黑龍江滿洲語薩哈連烏刺俄語阿穆爾右岸屬我國左岸屬俄阿穆爾江東南合松花江又東北合烏蘇黑江入俄境至尼可來依佛次克(我國人稱曰廟爾)注於韃靼海峽

第二章 沿革總論

龍沙紀略

桐城方式濟

蓋自奉天過開原出威遠堡關而郡縣盡外有七鎮曰稽林烏喇(即吉林)曰齊古塔曰新城曰伊蘭哈喇(即三姓)屬齊古塔將軍轄由新城之白都納渡諾尼江而北曰卜魁卜魁蒙語有也即今齊齊哈爾城也曰墨爾根城蒙語技勇精熟即善射之尤也在齊齊哈爾東北四百三十五里曰艾渾亦作愛輝康熙二十二年築此城在今黑龍江城屬黑龍江將軍皆在奉天府東北廣輿記載沿腦溫江上自海西下至黑龍江按後魏有黑水部唐有黑水府府治在今開原縣而今之吉林齊古塔新城隸焉以黑水名者因黑龍江尾也黑水部四至無考今腦溫在蒙古境秋審案腦溫江即嫩江

郭氏家乘之一

黑龍江將軍所轄地考四境元時盡隸版圖明代皆蒙古席帛達呼里(即達呼爾)紅呼里(疑即洪果爾弘吉刺)索倫散處之國朝之初悉歸附焉

卜魁之南諾尼江(即嫩江)以東通鏗河(即通肯河)以西蒙古杜爾伯特地與表云杜爾伯特東至黑龍江將軍界一百四十里西至札賴特界三十里南至郭爾羅斯鎮國公界一百四十里北至索倫界一百里杜爾伯特以南至松阿里江北岸蒙古郭爾羅斯地按與表郭爾羅斯東至杜爾伯特八十里西至本部輔國公界一百四十里南至烏喇將軍界一百四十里杜爾伯特界一百二十里蓋杜爾伯特地象曲尺與郭爾羅斯錯故東北皆倚也卜魁西渡諾尼江蒙古札賴特地與表云札賴特至杜爾伯特界三十五里西至郭爾羅斯鎮國公界二十五里南至郭爾羅斯鎮國公界一百五十里北有色衣鏗山無交界余按西至當是科爾沁鎮國公界郭爾羅斯似誤與表載科爾沁鎮國公地東至札賴特界可證黑龍江以南拖心河以北諾尼江以西秋濤按舊本西誤作東今依與圖考正鄂爾姑納河以東八圍人索倫地黑龍江以北精奇尼江源以南虞人鄂倫春地其衆來精奇尼江以居秋濤按虞人即布特哈也鄂爾姑納河以西枯倫海以北鄂羅斯虞人地秋濤按枯倫海即呼倫湖也枯倫海以南喀爾喀河以西

巴爾虎地秋濤按巴爾虎亦作巴爾呼

黑龍江外紀

長白西清

黑龍江為東三省之一在京師東北三千三百餘里古肅慎遺墟漢鮮卑(秋濤按鮮卑乃部種非地名今錫伯及俄之西伯利亞皆鮮卑之轉音也)魏勿吉隋里水赫靺唐黑水府宋契丹遼上京

金蒲與路元開元路明朶顏衛（秋濤案明寘建州衛海西衛野人衛統名之曰朶顏三衛又有南
北關四百八十衛之稱則朶顏不得為黑龍江一省之專名）皆其地也國朝入版圖以齊齊哈爾
為省會而墨爾根黑龍江呼倫貝爾布特哈呼蘭五域隸之

柳邊紀略

楊賓

黑龍江即薩哈連元愛瑯一作艾虎域在船廠東北後魏時曰黑水部屬勿吉唐曰黑水靺鞨置黑水府

元十六年以部長為都督賜名曰李金曰合懶路元曰合蘭府水達達滿語碩直也達達勒達敵也路

府設軍民萬戶府五日挑温曰胡里改曰朶憐曰脫幹憐明日黑龍江忽黑不寨清天命元年八月往

征之後朝貢為羈縻國康熙十三年始築城二十二年設將軍二十九年將軍統其半駐墨爾根以

衛索倫索倫者屬國也原注案天聰八年五月黑龍江索倫頭目巴爾達齊來朝貢貂皮十月巴爾達齊又率京古齊呼拜

月遣席特席等會蒙古教漢奈曼吳喇忒四子諸部兩度征之乃為屬國產美貂號索倫皮與西北阿羅斯為鄰康熙四年乙巳阿羅斯率八十

餘人入索倫部取貂皮而淫其婦女臥未覺甯將軍巴海往襲之盡殲其軍脫者四人耳於是築城

於雅克薩為邊患者廿餘年康熙廿八年毀其城以尼布楛為界而索倫貂乃盡貢內府矣

索倫諸部內屬述略

何濤

呼倫貝爾布特哈呼蘭蒙語野驃也一作胡懶集聚也三處皆無郭城而設兵駐防號為重地呼

蘭之設城守尉也始於雍正十二年呼倫貝爾遺內大臣或侍郎一員為統領始於雍正十年至乾隆

八年改設副都統銜總管一員其下按部設官有索倫總管巴爾達齊管新巴爾呼布特哈初設索倫達呼爾

總管鄂拉特管其下又各設副總管佐領等官

...

郭氏家乘之一

總管二員副總管八員謂之打牲頭目副頭目康熙三十年以後陸續增設滿洲總管二員副總管八員蓋布特哈為打牲部落之總稱故東北數千里內處山野業採捕者悉隸之總管駐劄處在伊伯河西岸地名札克丹每歲五月大會於齊齊哈爾城納貂互市號曰楚勒罕譯言盟會也呼倫貝爾之西北境以額爾古納河為俄羅斯界布特哈之北境以興安大嶺為俄羅斯界

黑龍江述略

桐城徐宗亮

黑龍江省以水為名古肅慎氏遺墟後魏時有黑水部屬勿吉遼時始專其號見史道宗本紀金元以後部落散屬或羈縻臣之不列版圖我太祖高皇帝征尼堪外蘭於鄂拉歡城實始用兵自是起天命設順治歲遣兵將出征凡歷三朝二十八年黑龍江諸部次第服貢分旗游牧全境乃定時諸部有名者索倫部薩哈連部卦爾察部薩哈勒察部呼爾哈部各部附屬又有屯城路諸名而惟索倫達呼爾兩部據地為大並以驍勇聞焉

黑水先民傳序

新城王樹枏

黑水為古肅慎國地漢唐以後挹婁勿吉靺鞨渤海室韋諸部皆統於黑水契丹女真蒙古及有清立國皆崛起黑水之濱

黑水先民傳叙

崇仁黃維翰

濱水之國肅慎最先後或稱挹婁或稱勿吉隋唐之際稱靺鞨遼以降稱女真方言重譯故文異而音略同上古聖人作弧矢以威天下肅慎去中國絕遠乃傳其制經言黃帝顛頊子孫有降居大荒